

655.4

4-21

ԿԱՆՈՆԱԴՐՈՒԹԻՒՆ

ՀԱՅՈՑ ՀՐԱՏԱՐԱԿՉԱԿԱՆ

„ՆԻԷՐ ՄԱՆՈՒԿՆԵՐԻՆ“

ԸՆԿԵՐՈՒԹԵԱՆ



Թ Ի Յ Լ Ի Ս

Էլէկտրագ. Օր. Ն. Ս. Ղազնեանի, Պօլից. 7

1913





ուրիշ մանկական հրատարակութիւններ, իսկ եթէ միջոցները ներեն՝ նաև բ.) հրատարակել հայերէն լեզուով ինքնուրոյն և թարգմանական մանկական գրքեր, պատկերներ, խաղեր և մանկական ամեն տեսակ զարձալիքներ և գ.) հրատարակել հայերէն լեզուով ընտանեկան դաստիարակութեան վերաբերեալ մանկավարժական աշխատութիւններ:

Ծանօթ. Եթէ որեէ պատճառով անհնարին լինի իրագործել ա. նպատակը, Ընկերութիւնը շարունակում է իր գոյութիւնը և իր միջոցները գործադրում է բ. և գ. նպատակների համար:

**ԸՆԿԵՐՈՒԹԵԱՆ ԻՐԱՒՈՒՆՔՆԵՐԸ**

§ 2. Ընկերութիւնը իրաւունք ունի անշարժ գոյք ձեռք բերելու և առհասարակ օժտւած է իրաւական անձի բոլոր արտօնութիւններով:

§ 3. Ընկերութիւնը իրաւունք ունի մրցանակ նշանակելու մանկական գրականութեան և ընտանեկան դաստիարակութեան վերաբերեալ լաւագոյն հայերէն գրւածքների համար:

§ 4. Ընկերութիւնը ունի կնիք՝ «Հայոց Հրատարակչական» «Նւէր մանուկներին» Ընկերութիւն»:

**ԸՆԿԵՐՈՒԹԵԱՆ ԿԱԶՄԸ, ԱՆԴՄՄՆԵՐԻ ԻՐԱՒՈՒՆՔՆԵՐՆ ՈՒ ՊԱՐՏԱԿԱՆՈՒԹԻՒՆՆԵՐԸ**

§ 5. Ընկերութիւնը բաղկացած է հետևեալ անդամներից՝ ա. հիմնադիր, բ. պատուաւոր, գ. մշտական, դ. իսկական և ե. աշխատակից: Անդամ կարող են լինել երկուսեւի անձինք: Անդամների թիւը սահմանափակւած չէ:

Ծանօթ. Ընկերութեան անդամ չեն կարող լինել՝ ա) անչափահասները, բ) իսկական ծառայութեան մէջ եղած զինուորներն ու իւնկերները, գ) աշակերտները և դ) դատարանով իրաւունքից զրկւածները:

§ 6. Հիմնադիր անդամ կարող են լինել նրանք, որոնք անդամ են գրել մինչև առաջին Ընդհանուր ժողովը, այս կանոնադրութեան հաստատումից յետոյ:

§ 7. Պատուաւոր անդամ ընտրւում են Ընդհանուր ժողովի կողմից զաղանի քւէարկութեամբ, ներկայ եզոզ անդամների 2/3 ձայների առաւելութեամբ, Ընկերութեան 5 անդամների կամ վարչութեան առաջարկութեամբ, այնպիսի անձինք, որոնք առանձին ծառայութիւն են մատուցել Ընկերութեանը կամ թէ յայտնի են մանկական կամ մանկավարժական գրականութեան իրենց մատուցած ծառայութիւնով:



§ 8. Մշտական անդամներն ընտրւում են Վարչութեան կողմից ձայների պարզ առաւելութեամբ, գահոսնի քւէարկութեամբ և վճարում են Ընկերութեան օգտին միանւադ առնւազն 50 ա.

§ 9. Իսկական անդամներն ընտրւում են Ընդհանուր ժողովի կողմից գահոսնի քւէարկութեամբ, ձայների պարզ առաւելութեամբ, Ընկերութեան 5 անդամների կամ Վարչութեան առաջարկութեամբ:

§ 10. Հիմնադիր և իսկական անդամները վճարում են տարեկան առնւազն 2 բուբլի:

§ 11. Աշխատակից անդամ ընտրւում են մէկ տարի ժամանակով աշխատիսի անձինք, որոնք իրանց աշխատանքով և գիտութեամբ կարող են նպաստել Ընկերութեան նպատակներին:

§ 12. Ընկերութեան բոլոր անդամները հաւասար իրաւունքներ ունեն, բացի աշխատակից անդամներից, որոնք մասնակցում են Ընդհանուր ժողովի նիստերին միայն խորհրդակցական ձայնով:

§ 13. Պատուաւոր և աշխատակից անդամների համար պարտաւորեցուցիչ չէ անդամավճար վճարելը: Այն հիմնադիր և իս-

կական անդամները, որոնք մինչև հոկտեմբեր ամսի մէկը անդամավճար չեն վճարել, Ընկերութիւնից հեռացած են համարւում. սրանցից նրանք, որոնք մինչև տարւայ վերջը կը վճարեն անդամավճարը, ետ են ընդունւում Ընկերութեան կազմի մէջ առանց քւէարկութեան: Ընդհանուր ժողովին հիմնադիր և իսկական անդամներից կարող են մասնակցել միայն նրանք, որոնք վճարել են անդամավճարը:

### ԸՆԿԵՐՈՒԹԵԱՆ ՄԻՋՈՑՆԵՐԸ

§ 14. Ընկերութեան միջոցները բաղկացած են՝

- ա) անդամավճարներից,
- բ) § 1-ի մէջ յիշւած՝ Ընկերութեան նպատակների իրագործումից ստացւած գումարներից,
- գ) դրամագլխի տոկոսներից և Ընկերութեան պատկանած անշարժ և շարժական գոյքերի եկամուտներից,
- դ) նւիրաբերութիւններից,
- ե) յօգուտ Ընկերութեան, ամեն մի առանձին դէպքում պատշաճաւոր թոյլտուութեամբ, կարդացւած դասախօսութիւնների, տւած ներկայացումների, համերգների, երե-



կոյթների, զբօսանքների և ամեն տեսակ զւարճութիւնների արդիւնքից:

§ 15. Ընկերութեան զբաները լինում են՝ ա.) ընթացիկ, բ.) պահեստի և գ.) յատուկ:

§ 16. Ընկերութեան այս կամ այն նպատակի համար նւիրւած յատուկ գումարի գործադրութիւնը կարող է փոխւել միւսին նւիրաբերողի հաւանութեամբ. իսկ կտակած գումարների նպատակը մնում է անփոփոխ:

#### ԸՆԿԵՐՈՒԹԵԱՆ ԳՈՐԾԵՐԻ ՏՆՕՐԻՆՈՒԹԻՒՆԸ

§ 17. Ընկերութեան գործերը վարում են՝

1) Ընդհանուր ժողովը, 2) ա. վարչութիւնը, ա. խմբագրական և գ. վերաստուգիչ մասնաժողովները, որոնք գտնւում են Թիֆլիսում:

#### ԸՆԴՀԱՆՈՒՐ ԺՈՂՈՎ

§ 18. Ընդհանուր ժողովները գումարւում են Թիֆլիսում՝ 1) պատոււոր և իսկական անդամներ ընտրելու, 2) վարչութեան և Ընկերութեան առանձին անդամների առաջարկները քննելու համար:

§ 19. Տարէնը երկու անգամ գումարւում են հերթական Ընդհանուր ժողովներ՝ ա) ապրիլ ամսից ոչ ուշ՝ Ընկերութեան նախընթաց տարւայ գործունէութեան և զրամական կացութեան հաշիւը քննելու և հաստատելու համար և բ) հոկտեմբեր ամսից ոչ ուշ՝ առաջիկայ տարւայ նախահաշիւը և գործունէութեան ծրագիրը քննելու ու հաստատելու և վարչութեան ու վերաստուգիչ մասնաժողովի անդամներին ընտրելու համար:

Ծանօթ. Հաշւաւորութեան տարին հաշւում է յունւարի 1-ից մինչև դեկտեմբերի 31-ը:

§ 20. Արտակարգ Ընդհանուր ժողովներ գումարւում են՝ ա) վարչութեան հայեցողութեամբ, բ) վերաստուգիչ մասնաժողովի պահանջմամբ և գ) Ընկերութեան 10-ը անդամների՝ վարչութեան տւած զրաւուր յայտարարութեամբ:

§ 21. Ընդհանուր ժողովներ հրաւիրւում են նիստից առնւազն մի շաբաթ առաջ Ընդհանուր ժողովի սահմանած եղանակով:

§ 22. Ընդհանուր ժողովը կայացած է համարւում, եթէ ներկայ է Թիֆլիսում եղած անդամների <sup>1</sup>/<sub>2</sub> մասը, բացի այն դէպ-



քերից, երբ քննուում են Կանոնադրութիւնս  
փոփոխելու և Ընկերութեան գործու-  
նէութիւնը դադարեցնելու խնդիրները, որ-  
պիսի գործերը վճռելու համար անհրաժեշտ  
է առաջին նիստում Թիֆլիս եղած անդամ-  
ներն <sup>23</sup> մասի ներկայութիւնը: Եթէ որոշ  
թւով անդամներ ներկայ չը լինելու պատ-  
ճառով Ընդհանուր ժողովը չի կայանում,  
միևնոյն խնդիրների քննութեան համար մի  
շաբաթից ոչ վաղ հրաւիրուում է երկրորդ  
Ընդհանուր ժողով, որը կանոնաւորապէս է  
համարուում, քանի անգամ էլ որ ներկայ  
գտնուեն:

§ 23. Ընդհանուր ժողովը բաց է ա-  
նում Վարչութեան նախագահը, և այնու-  
հետև ժողովը ընտրում է իր համար նախա-  
գահ և քարտուղար, բայց ոչ Ընկերութեան  
պաշտօնավար անձերից:

§ 24. Ընդհանուր ժողովում խնդիրնե-  
րը վճռուում են ձայների պարզ առաւե-  
լութեամբ, բացի պատուաւոր անդամ ընտ-  
րելու, պահեստի գումարը ծախսելու, ան-  
շարժ կալւածք ծախսելու կամ գնելու, Ըն-  
կերութեան Կանոնադրութիւնը փոփոխելու  
և գործունէութիւնը դադարեցնելու խնդիր-

ներից. այս խնդիրները վճռելու համար  
պահանջուում է ձայների <sup>23</sup> առաւելութիւն:  
Ձայների հաւասարութեան դէպքում նախա-  
գահի ձայնը առաւելութիւն է տալիս:

Ծանօթ. Ընդհանուր ժողովների քննու-  
թեանը թոյլատրուում են այնպիսի խն-  
դիրներ, որոնք անմիջական կապ ունեն  
Կանոնադրութեան որոշած գործունէու-  
թեան հետ և որոնց մասին վաղորօք ծա-  
նուցած է Ընկերութեան անդամներին:

## 2. ՊԱՇՏՈՆԱՎԱՐ ԱՆՁԻՆԸ

### Ընդհանուր կանոններ

§ 25. Վարչութեան և մասնաժողովների  
բոլոր անդամները, ինչպէս և նրանց բոլոր  
փոխ-անդամները ընտրուում են Ընդհանուր  
ժողովում, գաղանի քւէարկութեամբ, ձայնե-  
րի պարզ առաւելութեամբ (<sup>1</sup>/<sub>2</sub>-ից աւելի)  
երեք տարով, բացի Վերաստուգիչ մասնա-  
ժողովի անդամներից և փոխ-անդամներից,  
որոնք ընտրուում են մէկ տարով: Վարչու-  
թեան կազմից ամեն տարի դուրս է գնում  
անդամների և փոխ-անդամների <sup>1</sup>/<sub>3</sub>-ը, սկըզ-  
բում վիճակով, իսկ յետոյ ընտրութեան  
ժամանակի համեմատ: Դուրս գնացողները  
կարող են կրկին ընտրուել:



§ 26. Վարչութեան և Վերաստուգիչ մասնաժողովի ամեն երկու անդամները համար ընտրուում է մի փոխ-անդամ. փոխ-անդամը փոխարինում է պաշտօնավար անձին նրա մահուան, պաշտօնից հրաժարելու, տևական հիւանդութեան կամ քաղաքից բացակայելու դէպքում:

Ծանոթ. Վարչութեան այն անդամը, որ երեք ամիս շարունակ առանց սրև է յարգելի պատճառի չի յաճախում Վարչութեան նիստերին, համարուում է Վարչութիւնից հեռացած:

§ 27. Բոլոր ընտրովի պաշտօնները վարուում են ձրի. բայց եթէ Ընկերութեան գործունէութիւնը ընդարձակելի, Ընդհանուր ժողովին է թողնուում այս կամ այն պաշտօնավար անձին վարձատրութիւն նշանակել, բայց միմիայն ընտրութիւնները կատարելուց առաջ:

§ 28. Վարչութեան և մասնաժողովների նիստերը համարուում են օրինաւոր, երբ ներկայ են անդամների կէսից աւելին:

#### Ա. ՎԱՐՉՈՒԹԻՒՆ

§ 29. Վարչութիւնը գտնուում է Թիֆլիսում և կազմւած է առնուազն 5 անդամից:

որոնք իրենց միջից ընտրում են նախագահ, փոխ-նախագահ, քարտուղար և գանձապահ:

§ 30. Վարչութիւնը կարող է իր միջից ընտրել յատուկ անձինք, կամ յատուկ ենթաժողովներ, Վարչութեան ցուցմունքների համեմատ Ընկերութեան այս կամ այն ձեւը անմիջապէս կառավարելու համար:

§ 31. Վարչութիւնը վարում է՝ ա) Ընկերութեան տնտեսական մասը և պահում է գրամական հաշիւները, բ) հրատարակում է Խմբագրական մասնաժողովից հաւանութիւն ստացած գրքեր և այլ հրատարակութիւններ, գ) կազմակերպում է բաժանորդագրութեան ընդունելութիւնը և Ընկերութեան հրատարակութիւնների վաճառումը, դ) պատրաստում է Ընդհանուր ժողովին ներկայացնելու համար տարեկան ընդհանուր հաշիւն Ընկերութեան նախընթաց տարւայ գործունէութեան և գումարների կացութեան մասին և առաջիկայ տարւայ նախահաշիւն ու գործունէութեան նախագիծը, ե) ընտրում է մշտական և գործակից անդամներ և յանձնարարում է Ընդհանուր ժողովին պատուաւոր և իսկական անդամներ, զ) հրաւիրում է Ընդհանուր ժողովներ այս կանո-



նադրութեան § 18—24 հիման վրա, է) ըննում է առանձին անդամների առաջարկներն և հարցադրումները և հինգ անդամի գրաւոր պահանջմամբ իր եզրակացութեան հետ միասին ներկայացնում է հերթական Ընդհանուր ժողովին, ը) ընտրում է ԽՐՄ-բաղրական և այլ մասնաժողովների անդամներին և նրանց համար հրահանգներ կազմում, թ) նշանակում է և արձակում Ընկերութեան մէջ վարձով ծառայողներին և ուժիկ է նշանակում նրանց, ժ) դեկավարում և միացնում է Ընկերութեան գործունէութիւնը, ի) Ընկերութեան անունից յարաբերութեան մէջ է մտնում հաստատութիւնների և անձանց հետ և լ) պաշտպանում է Ընկերութեան շահերը, իբրև իրական անձ, դատարանի առաջ և առհասարակ ուր հարկն է:

§ 32. Վարչութեան նախագահը հոկում է այս կանոնադրութեան և Ընդհանուր ժողովի, Վարչութեան և ԽՄԲաղրական մասնաժողովների որոշումների ճիշտ կատարման, հրաւիրում է Ընդհանուր ժողովներ և Վարչութեան նիստեր: Նրա բացակայութեան

ժամանակ նրա պարտականութիւնները կատարում է փոխ-նախագահը:

§ 33. Վարչութեան քարտուղարը պատաստում է վարչութեան արձանագրութիւնները, կառավարում է ամբողջ դիւանատունը և պահում է Ընկերութեան դիւանը:

§ 34. Վարչութեան գանձապահը վարում է ընկերութեան դրամաբիլը, ծախսեր է անում Վարչութեան որոշումների համեմատ, պահում է Ընկերութեան դրամական վաւերաթղթերն ու արժէթղթերը, պատասխանատու է Ընկերութեան գումարները սպահովութեան համար և հսկում է հաշուպահութեան կանոնաւոր ընթացքին:

§ 35. Ընթացիկ ծախսերի համար գանձապահը կարող է ունենալ իր մօտ մինչև հարիւր բութլի իսկ Ընկերութեան մնացեալ գումարները ըստ Վարչութեան որոշման պահում են տեղական դրամատաներից մէկում

#### ԽՄԲԱԳՐԱԿԱՆ ՄԱՍՆԱԺՈՂՈՎ

§ 36. Պարբերական հրատարակութիւններ խմբագրելու, աշխատութիւններ և ապագրելի այլ նիւթեր ընտրելու, մրցանակաւորութեան նիւթեր յայտարարելու և



ներկայացրած աշխատութիւններից արժանաւորագոյնին մրցանակ յատկացնելու համար Վարչութիւնը ընտրում է մէկ կամ մի քանի Խմբագրական մասնաժողովներ, որոնք գործում են Վարչութեան մշակած հրահանգների համեմատ: Առանց Խմբագրական մասնաժողովի հաւանութեան ոչ մէկ գիրք չի կարող տպւել:

§ 37. Պարբերական հրատարակութիւններ խմբագրելու համար Խմբագրական մասնաժողովներ ընտրւում են ամբողջ բաժանորդագրական տարով:

Ծանօթ. Ստեփան Դանիէլեան Լիսիցեանը մտնում է «Հասկերի» խմբագրական կազմի մէջ իբրև մշտական անդամ:

§ 38. Խմբագրական մասնաժողովների նախագահները մասնակցում են Վարչութեան նիստերին խորհրդակցական ձայնով և Վարչութեան նախագահը նոյն իրաւունքներով Խմբագրական մասնաժողովներին:

§ 39. Հեղինակներին և թարգմանիչներին տալիք վարձատրութեան սակագինը որոշում է Վարչութիւնը Խմբագրական մասնաժողովի առաջարկութեամբ:

## ԽԱՌԸ ԺՈՂՈՎՆԵՐ

§ 40. Վարչութեան և պարբերական հրատարակութիւնների խմբագրական մասնաժողովների մէջ տեղի ունեցած տարաձայնութիւնները վերացնելու, նոյնպէս և գործունէութեան ընդհանուր նախագիծը մշակելու համար Վարչութեան նախագահը հրավիրում է խառը ժողովներ Վարչութեան և համապատասխան Խմբագրական մասնաժողով անդամներից. այս դէպքում աւելի շատ անգամ ունեցող կօլեգիան նոյնքան ձայն ունի, որքան որ միւս կօլեգիան: Ձայների մեծամասնութեամբ ընդունւած որոշումները պարտաւորական են թէ Վարչութեան և թէ յիշեալ Մասնաժողովի համար:

§ 41. Խառն ժողովին նախագահում է Վարչութեան նախագահը:

## ՎԵՐԱՍՏՈՒԳԻՉ ՄԱՍՆԱԺՈՂՈՎ

§ 42. Վերաստուգիչ մասնաժողովը ընտրւում է մէկ տարով առնւազն երեք անգամից և իր միջից ընտրում է նախագահ և քարտուղար:

§ 43. Վերաստուգիչ մասնաժողովը իրաւունք ունի իրապէս քննելու Վարչու-



թեան և Խմբագրական մասնաժողովի հաշիւները, ստուգելու Վարչութեան նախընթաց տարւայ հաշիւը նախ քան Ընդհանուր ժողովին ներկայացնելը և այս հաշւի մասին իր նկատողութիւնները ասնում է Ընդհանուր ժողովին:

ԸՆԿԵՐՈՒԹԵԱՆ ԿԱՆՈՆԱԴՐՈՒԹԵԱՆ ՓՈՓՈԽՈՒԹԻՒՆՆԵՐԻ ԳՈՐԾՈՒՆԷՈՒԹԵԱՆ ՓԱԿՈՒՄԸ

§ 44. Այս Կանոնադրութեան մէջ որևէ փոփոխութիւն կատարում է § 22 և § 24 պահանջները համեմատ և սահմանաժօրինակ կարգով ներկայացում է մասեան մուծելու համար:

§ 45. Ընկերութեան գործունէութեան դադարման զէպքում հրաւիրում է Արտակարգ Ընդհանուր ժողով, որը և որոշում է Ընկերութեան գոյքը, ամբողջովին կամ մասամբ, այս կամ այն հաստատութիւններին յանձնելու:



«Ազգային գրադարան»



NL0296044



24.017